

INUIT ATAQATIGIIT

Inatsisartuni



UPA 2017/162
Nuuk, 16.05.2017
Iddimanggiu Bianco

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutigaa inuusuttunut 14-iniit 17-inut ukiulinnut Kalaallit Nunaanni, Savalimmiuni Islandimilu nunat avannarliit killiit efterskoliinik pissusissamisoornerpaamik qanoq pilersitsisoqarsinnaanera allaaseralugu nassuiaasioqqullugit 2018-imi Nunat Avannarliit Killiit Siunnersuisoqatigiiffiannut saqqummiunneqartussamik.

(Aallartitat siulittaasuat Lars-Emil Johansen)

Siullermik Nunat Avannarliit Killiinut aallartitatta siulittaasua Lars Emil Johansen kaammattuutaanut qujanaq.

Inuit Ataqtiginiinnit soqtiginarluinnartutut isigaarput nunani avannarliit killiini efterskolermik/efterskolenik pilersitsisinnaaneq. Kukkuallaarunangilanga oqaruma Savalimmiut, Island nunattalu akornanni avitseqatigiinneq annertunerunissaa tamatta soqtigisarigipput.

Naak Islandimi efterskolertarneq misilittakkatsituulli ingerlanneqanngikkaluartoq neriunnarpoq periarfissaqalerumaartugut siunissami sanilitsinnut efterskolersinnaaneq. Naak oqaatsitugut assigiinngissuteqaraluarluta paarlaasseqatigiinneq pissarsiaqaataalluurtussa qularutissaanngilluinnarpoq.

Savalimmiut nunatsinnilu misilittagarilerikkagut efterskol eqarnermik atorluarlugit inerisaasinnaanissaq soqtiginarluinnarpoq. Nunanit avannarliit killiinilu suleqatigiinnertigut angunia-
rneqarnera nuannaarutissatut isigisassaavoq.

Nunani qeqertaniittugut assigiissutsigut annertunerusumik paarlaasseqatigiilernissarput angorusunnaqaaq, taamaattumik tulluarluinnarpoq inuusuttuniit paarlaasseqatigiinneq aallartereeluni periarfissaalersinnaappat. Tamannalu efterskol eqalernermik anguneqarsinnaanera aqutaalluinnarsinnaavoq suleqatigiinnerulernissatsinnut aqqutissaq.

Ilumoorpoq inuusuttuulluni ineriartuutaalluurtutut ilagaat efterskolet, imminut isumagilernisamat alloriarfik siullertut taaneqarsinnaasoq, angajoqqaat qimallugit alloriarfik annertusaqaaq inuusuttunullu ineriartuutaasaqaluni. Tassanilu tulluarluinnarluni ukiunik inissiisimaneq, tassa 14-iniit 17-inut ukiullit periarfissaqalersinnaanissaat.

Taamaattumik una suliaq pissangalluta malinnaaffigissuarput. Neriulluta nassuiaasioorneq suliarilluarneqarumaartoq.